

**ՊԱՆԹՈՒՐՔԻԶՄԻ ԵՎ ՆԱՑԻՈՆԱԼ-ՍՈՑԻԱԼԻԶՄԻ
ԳԱՂԱՓԱՐԱԿԱՆ ԸՆԴՀԱՆՐՈՒԹՅՈՒՆՆԵՐԸ
ՏԻԳՐԱՆ ՄԱԹՈՍՅԱՆ**

- Թուրքիան և Գերմանիան՝ համապատասխանաբար մինչև Առաջին և Երկրորդ համաշխարհային պատերազմները, բարդ և հակասական զարգացման ժամանակաշրջան ապրեցին: Խոսքը, մասնավորապես, վերաբերում է 1908-1913թթ. հետհամիդյան Թուրքիայի անհաջողություններին ներքին և արտաքին ասպարեզներում, ինչպես նաև 1919-1933թթ. Վայմարյան Հանրապետության ծանր սոցիալ-տնտեսական և քաղաքական իրավիճակին: Հենց վերոհիշյալ ժամանակահատվածներում էլ վերջնականապես ձևավորվեցին պանթուրքիստական և մացիոնալ-սոցիալիստական գաղափարախոսությունները, որոնք քաղաքական կիրառում պետք է գտնեին իթթիհատական և մացիստական վարչակարգերի հաղթանակից հետո:

Լինելով ինչ-որ իմաստով համանման ճգնաժամային միջավայրերի ծնունդ,¹ մացիոնալ-սոցիալիզմը և պանթուրքիզմը կիսում էին մի շարք ընդհանուր գաղափարներ և շատ դեպքերում սնվում էին միևնույն ինտելեկտուալ աղբյուրներից: Ջարմանալի չէ նաև, որ այդ գաղափարներից մի քանիսը համընկնում էին իրենց ցեղասպանական բովանդակությամբ և մեծ դեր կատարեցին հայերի և հրեաների զանգվածային ոչնչացումը հիմնավորելու գործում:

Մինչև պանթուրքիզմի և մացիոնալ-սոցիալիզմի գաղափարական ընդհանրություններին անդրադառնալը հարկ է շեշտել այն հանգամանքը, որ երկու գաղափարախոսություններն էլ իրենց աշխարհայացքները ձևակերպելիս մեծապես օգտվել են «պատրաստի» գաղափարներից: Օրինակ՝ մացիոնալ-սոցիալիզմի «Ավետարանը» համարվող «Իմ պայքարը» գրքում հանդիպող հայացքներից շատերը կարելի է տեսնել XVIII դարի կեսերից Գերմանիայում ծնունդ առած ֆոլկիստական (գերմ. folk՝ «ժողովուրդ») գաղափարախոսության մեջ, որը Հիտլերի կողմից հմտորեն ծառայեցվեց հանուն սեփական շահերի:

Նույնը կարելի է ասել պանթուրքիստ մտավորականների վերաբերյալ: Չունենալով անհրաժեշտ գաղափարական հենք թուրքական միջավայրում՝ նրանք իրենց ծայրահեղ ազգայնական հայացքները շատ դեպքերում յուրացնում էին հենց նույն գերմանական ֆոլկիզմի զինանոցից: Պատահական չէ, որ երիտթուրքական հեղափոխությունից հետո Թուր-

քիայում սկսեցին քարգնամվել Հերդերի, Ֆիխտեի, Հեգելի, Նիցշեի, Տրի-
եսչկեի և գերմանական ազգայնականության հիմքերը ձևավորող այլ հե-
ղինակների գործերը:²

Պանթուրքիզմի և մացիոնալ-սոցիալիզմի աշխարհայացքների մեջ
կարելի է առանձնացնել մի շարք էական և ոչ էական ընդհանրություններ:
Մեզ, մայս և առաջ, հետաքրքրում են այս գաղափարախոսությունների այն
դադկացուցիչները, որոնք ուղղակիորեն կամ միջնորդավորված առնչվելու
էին հայերի և հրեաների հետ: Այս իմաստով առանձնանում են ազգայնա-
կանության, ռասիզմի և ծավալապաշտության հայացքները: Ընդ որում,
վերջիններիս միջև հատակ սահմանագիծ անցկացնելը բավականին դժվար
է, քանի որ դրանք շատ հաճախ հանդես են գալիս միասնական տեսքով և
փոխալսմանավորված:

Երկու աշխարհամարտերին մախրողով վերոհիշյալ ճգնաժամային
փուլերում ազգայնականության յուրահատուկ դրսևորում պետք է համարել
այսպես կոչված «ժողովրդականության» գաղափարների ծնունդը: Գերմա-
նիայում այն արտահայտվեց «ֆոլկիզմի» իսկ Թուրքիայում՝ «հալլըլըք»
(թուրք. halk՝ «ժողովուրդ») շարժումների ձևով: Ընդ որում, այս վերջինը, որ
ձուլվեց պանթուրքիզմի մեջ, իր գաղափարներն ակնհայտորեն փոխառել
էր գերմանական մախակերպարից, որը հիմք հանդիսացավ մահ մացիո-
նալ-սոցիալիզմի համար:

Գերմանացի ազգայնականների համար «ֆոլկը» նշանակում էր
մարդկանց որոշակի կատարյալ հանրություն, որը ձուլված է իր քնական
միջավայրի հետ և արմատներով գնացել է քնության խորքերը: Այստեղից՝
«ֆոլկի» կենսական ուժերը գտնվում են գյուղացիության մեջ, որն առավել
մոտ է կանգնած քնությանը: Ֆոլկիստները սրանով արտահայտում էին
իրենց անթաքույց քնամանքը քաղաքի հանդեպ, որն իր գործարաններով,
քաղաքային յուրահատուկ կյանքով համարվում էր ոչ մաքուր:³

Չարմանալի չէ, որ այս համատեքստում ֆոլկիստների հարձակման
առարկա դարձան հրեաները, որոնք գլխավորապես քնակվում էին քա-
ղաքներում (դրա լավագույն դրսևորումներից էր «Բեռլինը հրեաների դո-
մենն է» հաճախակի դարձած կոչերը):⁴ Իսկ այն հանգամանքը, որ հրեան
Գերմանիայի տարբեր շրջաններում զբաղվում էին վաշխատությամբ, սկսեց
օգտագործվել որպես պախարակման նոր առիթ: Ֆոլկիստական ոգով
գրված վեպերում սովորական թեմա դարձավ գերմանացի գյուղացու ունե-
զրկումը հրեայի կողմից: Այս ժանրի ամենանշանավոր գործերից էր Վիլհելմ
Պոլենցի «Գյուղացին Բյուտներից» վեպը (1895), որից ժամանակին մեծա-
պես ազդվել էր Ադոլֆ Հիտլերը (այստեղ խոսվում էր գերմանացի մի գյու-
ղացու մասին, որը չկարողանալով հետ վերադարձնել պարտքը հրեա վաշ-
խատուին, կորցնում է իր հողը և հուսահատությունից ինքնասպանություն է
գործում. հրեան այդ հողի վրա գործարան է կառուցում):⁵

Այսպիսով, ֆոլկիստները հրեային նույնացնում էին ինդուստրիալ
հասարակության հետ, որն արմատախիլ է անում գյուղացուն, զրկում
նրան հողից, պատճառ դառնում նրա մահվան: Մրանից ելնելով՝ ներկա-
յացվում էր գերմանական դժբախտությունների վերացման ֆոլկիստական
ճանապարհը. «եթե օձը հեռացվի ծառի արմատներից, ծառը կծաղկի»:⁶

Արդեն արդուփամիդյան վարչակարգի տապալման ժամանակա-
շրջանից Թուրքիայում արմատավորվում էր մի գաղափարախոսություն,

որը շատ գծերով նման էր գերմանական ֆոլկիզմին, և, որը յուրացվեց իքթիհատականների կողմից:

Ազգայնական տրամադրությունների բարձրացման պահին թուրք մտավորականները ևս իրենց հայացքներն ուղղեցին դեպի թուրք գյուղացին՝ ազգի իդեալ գտնելու մտադրությամբ: Դա, մասնավորապես, երևում է պանթրոքիզմի գլխավոր գաղափարախոսներից մեկի՝ Ջիա Գեոք Ալիի աշխատանքներում (ի դեպ՝ նա քաջ ծանոթ է եղել գերմանացի հայտնի հակահերեա-ֆոլկիստ պատմաբան Տրիետչեկի աշխատություններին):⁷ Ջիա Գեոք Ալիը առաջ էր քաշում այն կարծիքը, որ Թուրքիան իր ուժերը պետք է քաղի Անատոլիայի «կոշտ» գյուղացիությունից, որն այժմ է ընկնում իր կարգապահությամբ, հայրենասիրությամբ, հավատարիմ ոգով և ռազմականությամբ:⁸

Ֆոլկիստական գաղափարախոսության օրինակով Գեոք Ալին իր ստեղծագործություններում որոշակի հակադրություն է մտցնում հասարակ ժողովրդի կամ գյուղացիների (halk) և քաղաքացիների (sehirli) միջև: Հեղինակը գտնում է, որ վերջիններս, կենտրոնացած լինելով քաղաքներում, հիմնականում օտար ծագում ունեն և չթաքնված արհամարհանքով են նայում գավառներում ապրողների վրա:⁹

Կոչ անելով թուրք մտավորականությանը հոգ տանել թուրքական գյուղի մասին՝ Գեոք Ալիը նաև շեշտում է այդ նույն գյուղը վաշխառուների, կապալառուների, ամենակուլ առևտրականների ձեռքից փրկելու անհրաժեշտությունը:¹⁰ Պարզ է, որ այս իմաստով, ի քիվս այլ ժողովուրդների, հարձակման քիրախ էին դառնում նաև հայերը: Օրինակ՝ Թուրքիայի քաղաքներում գործող հայկական դրամատները, որոնք որոշակի գործարքներ էին կատարում նաև մահմեդական գյուղացիների հետ, թուրք ազգայնական մամուլում սկսում են ստանալ «տգրուկ», «ղավաճան» պիտակները:¹¹

Վերոհիշյալ հարցում թուրք գաղափարախոսների վերաբերմունքում ակնհայտորեն նշմարվում են գերմանացի գործիչների ազդեցության արձագանքները: Գերմանացի պատմաբան Հիլմար Կայզերը նշում է այն մարդկանց անունները, որոնք մինչև Առաջին աշխարհամարտն ընկած ժամանակաշրջանում օգնել են Գերմանիայում և, հետևաբար, Թուրքիայում հակահայկական տրամադրությունների ձևավորմանը: Օրինակ՝ նրանցից Ալբերտ Վիրսը՝ հակահերեական պանգերմանական լիգայի առաջատար դեմքերից մեկը, ասում էր, որ հայերը «ծծում են թուրք գյուղացիության արյունը ... Նրանք շահագործում են նաև Կովկասի գերմանացի գաղութարմակներին»:¹²

Ի հետևանք այս ամենի՝ թուրք ազգայնականների շրջանում ևս պետք է առաջանար «օձը ծառի արմատներից հեռացնելու» մտադրությունը:

Հայերի և հրեաների հանդեպ խնդրո առարկա գաղափարախոսությունների վերաբերմունքը պարզաբանելիս հարկ է հաշվի առնել նաև տնտեսական բնույթի ծայրահեղական հայացքների խնդիրը:

Երիտթուրքերի կողմից երկրպագվող թուրքիզմի անբաժան մաս պետք է համարել զուտ թուրքական տնտեսական համակարգ ստեղծելու ազգայնական ծրագիրը: Ամերիկահայ պատմաբան Ս. Աստուրյանի կարծիքով «միլի իքթիսաթի» («ազգային տնտեսություն») գաղափարը թուրքերը փոխառել էին գերմանացի ազգայնական Ֆրիդրիխ Լիստի հայացքնե-

րից¹³ (նրա ազդեցությունն անժխտելի է նաև մացիոնալ-սոցիալիզմի պան-գերմանական գաղափարների ձևավորման վրա): «Ազգային տնտեսությունը» օսմանյան համատեքստում ստացել էր հետևյալ իմաստը. ձերբազատվել կայսերական տնտեսության «մակարոյծ» ոչ թուրքական տարրերից և ստեղծել օրգանական թուրքական բուրժուազիա, որը կայսրությունը կտաներ դեպի տնտեսական առաջադիմություն:¹⁴ Այս միտումը հստակ նկարագրված է Թեքին Ալիի «Թուրքական և պանթուրքական իդեալը» գործում: Հեղինակը նշում է, որ պատերազմից առաջ ծայր առած ազգայնական շարժման հետևանքով սկսեցին բոյկոտի ենթարկվել հայերի, հույների և այլ ազգության գործարարների ապրանքները: Այդ քաղաքականությունը ջերմորեն խրախուսվում էր ազգայնական մամուլի և կառավարության կողմից, որի արդյունքում հարյուրավոր հայ և հույն առևտրականներ կործանվեցին¹⁵: Համեմատաբար խաղաղ միջոցների կողքին հայերի հանդեպ սկսեց կիրառվել նաև հարձակումների և թալանի քաղաքականությունը, որն իր ծայրագույնին հասավ ցեղասպանության ժամանակ «բռնի հավասարում» կարգախոսի ներքո:¹⁶

Նացիոնալ-սոցիալիզմը ևս ապագա ռալիսի տնտեսական կեցությունը չէր պատկերացնում գերմանական աշխատավորի «արյունը խմող» հրեական գործարար տարրի հետ համատեղ: Դրա վառ ապացույցը 1933-1939թթ. Գերմանիայի և օկուպացված երկրների հրեաների նկատմամբ իրականացված քաղաքականությունն էր, որը դրսևորվեց երկրի տնտեսության «արիականացմամբ»: Այս քաղաքականությունը ենթադրում էր բոլոր հրեական մասնավոր ձեռնարկությունների, կազմակերպությունների անցումը գերմանացիների ձեռքը:¹⁷ Մինչև Երկրորդ համաշխարհային պատերազմը մացիստներին հիմնականում հաջողվեց իրականացնել այդ ծրագիրը. «կամավոր» և բռնի եղանակներով հրեա սեփականատերերը հաճախ չնչին գներով, «վաճառեցին» իրենց ունեցվածքը: Դճման տակ մանր և միջին ձեռնարկատերերի կողքին այդպես վարվեցին նաև Կենտրոնական և Արևելյան Եվրոպայում արդյունահանմամբ զբաղվող Ռուտշիլդների, Վայմանների, Պետսչեկների հրեական խոշոր ընտանիքները:¹⁸

Պանթուրքիստների և մացիստների վերոհիշյալ հայացքները զգալի դեր պետք է կատարեին «Թուրքիան թուրքացնելու» և «Գերմանիան գերմանականացնելու» ծրագրերի արդարացման համատեքստում: Դրանք, անկասկած, կարելի է դասել ազգայնական գաղափարների ոլորտը: Սակայն պանթուրքիզմին և մացիոնալ-սոցիալիզմին հատուկ այսպիսի նեղ ազգայնականությունը, որպես կանոն, հաղթահարվում էր ավելի ծայրահեղական բնույթի ռասիստական հայացքներով:

Թեև թուրք գաղափարախոսների դավանած ռասիզմը աչքի չէր ընկնում այն «կոռ» կառուցվածքով, որը հատուկ էր մացիստական ռասիզմին,¹⁹ այնուամենայնիվ, պանթուրքիզմն ու մացիոնալ-սոցիալիզմն այստեղ ևս շփման ընդհանուր եզրեր ունեն: Մրա պատճառը թերևս այն է, որ և՛ թուրք, և՛ գերմանացի մտավորականներն իրենց հայացքները հարստացրել էին միևնույն գաղափարական ակունքներից:

Եվրոպական ռասիզմի հայր իրավամբ կարելի է համարել XIX դարի կեսերի ֆրանսիացի դիվանագետ Արթուր դը Գոբինոյին: Վերջինիս հայացքները մեծ տարածում էին ստացել Եվրոպայի տարբեր երկրներում, հատկապես՝ Գերմանիայում: Ամենայն հավանականությամբ հենց այստեղից էր, որ գերմանական մտքի կողմից հարստացված այդ գաղափարներն

անցան Թուրքիա, իսկ ավելի ուշ՝ քաղաքական կիրառում գտան բուն Գերմանիայում: Բանն այն է, որ ռասիստական գաղափարները XIX դարի վերջի - XX դարի սկզբի Գերմանիայում տարածում էին գտնում հիմնականում պանգերմանական շարժումների շրջանակներում, իսկ պանթուրքիստ մտածողները, ինչպես Գեոք Ալիը, Աքչուրան և այլոք, քաջ ծանոթ էին պանգերմանական շարժման առաջնորդների աշխատանքներին: Բացառված չէ, որ ֆրանսիացի Գորիմոյի գաղափարներն իրենց հետ Թուրքիա քերած լինեին մաս «Իթթիհատ վե թերաքքի»-ի փարիզյան մասնաճյուղի անդամները:

Հենց սկզբից մշենք այն տարբերությունների մասին, որոնք տեղ պետք է գտնեին՝ գերմանացի և թուրք գաղափարախոսների հայացքներում՝ ռասա երևույթը սահմանելիս: Գերմանացիների համար ռասաները դասակարգվում էին ըստ մարդաբանական և մշակութային, մասնավորապես՝ լեզվաբանական տվյալների: Ընդ որում, առաջին տեղում էին մարդաբանական հատկանիշները: Մասնավորապես, հենվելով Տակիտոսի «Գերմանիա» աշխատության տվյալների վրա՝ մացիստ գաղափարախոսները (Ռոզենբերգ, Գյունտեր) «մորդիկական» ռասայի (թեև գիտականորեն մեծ ռասա գոյություն չունի) ֆիզիկական իդեալ սկսեցին համարել քարձրահասակ, ձվաձև դեմքով, շեկ մազերով, կապույտ, խոշոր աչքերով, սպիտակ մաշկով, մեղ թթով մարդուն:²⁰ Հենվելով Կամտի կողմից առաջ քաշած այն գաղափարի վրա, ըստ որի աշխարհագրականորեն պայմանավորված ռասայական առանձնահատկություններն ուղեկցվում են «ներքին կենսական ուժով», ռասիստ մտածողներն առաջ քաշեցին այն դրույթը, թե գերմանացիների արտաքին հատկանիշները պայմանավորում են նրանց քարձր և քաջամիկ ներքին ոգին:²¹

Այս հարցում մի փոքր այլ մոտեցում պետք է ցուցաբերեին պանթուրքիստները: Նրանք հասկանում էին, որ «թուրամական ռասայի» մարդաբանական հատկանիշները սահմանելու համար պատմությանը չարժեք անդրադառնալ: XX դարի օսմանյան թուրքերն իրենց մարդաբանական տվյալներով վաղուց մեծ չէին այն ցեղերին, որոնք մկամեւ էին Փոքր Ասիան (այդ դեպքում նրանց համար դժվար կլինեք արտաքին հատկանիշների մեմոլություններ գտնել մաս միջինասիական թրքախոս ժողովուրդների հետ): Այստեղ օգնության է գալիս թուրք գաղափարախոսների հնարամտությունը: Նրանք ռասան բնորոշելիս հիմնականում շեշտը դնում են մշակույթի վրա: Այսպես, Գեոք Ալիը գտնում է, որ արեմակցությունը, գանգի ձևը, մազերի և աչքերի գույնը քիչ դեր են խաղում մարդկային ցեղը բնորոշելու համար. դրա փախարեն՝ ժողովրդի ներքին կապը իրականացվում է մշակույթի միջոցով:²²

Այնուամենայնիվ պանթուրքիստները՝ գերմանացի գաղափարակիցների օրինակով որոշեցին ստեղծել «թուրամական մարդու» իրենց սեփական իդեալը: Այդ պատճառով, մշում է Ջարեանդը, որոշվեց թուրքի մեջ վերակենդանացնել ժուժկալության, առողջության և մարմնական գոլության իդեալները, որոնք կորսվել էին անդադար պատերազմների և մեղմ կլիմայի ու հանդարտ կյանքի ազդեցությամբ:²³ Դրա ապացույցն Առաջին աշխարհամարտից առաջ ստեղծված չափահասների «Թուրք գյուղու» («Թուրքական ուժ») և պատանիների «Բազի» («Արահետ գտնող») կազմակերպություններն էին (այս վերջինն իր անունը և ծրագիրը փոխառել էր գերմանական համանուն «Pfadfinder» («Արահետ գտնող») շարժումից):²⁴

Հատկանշական է, որ երկու գաղափարախոսությունների ներկայացուցիչներն էլ ակտիվորեն գովաբանում էին սեփական «առասաները»: Այսպես, գերմանացի ազգայնամոլ գործիչներն առաջ քաշեցին «արիական ռասայի»՝ մաքուր և մնացած բոլոր ռասաներից բարձր լինելու գաղափարը: Եթե սկզբնական շրջանում «արիացիների» շարքին դասվում էին համեմատաբար մեծ թվով ժողովուրդներ (օրինակ՝ անգլիացիները), ապա արդեն մացիոնալ-սոցիալիստները «բարձրագույն արիականությունը» ներկայացնում էին որպես զուտ գերմանական առանձնաշնորհ. գերմանացիներին մյուս՝ ավելի ցածր «արիացիներից» տարբերակելու համար ընտրվեց ռասայական ինքնամիավանման «նորոգիչական արիացիներ» անվանումը:²⁵

Շարունակելով «հիմնավորել» իրենց բացառիկությունը՝ գերմանացի հեղինակներն առաջ էին մղում այն միտքը, թե Արևմուտքում տեղի ունեցած բոլոր կարևոր պատմական իրադարձությունները տեղի են ունեցել արիացիների առաջնորդությամբ. Հռոմի պապերը, ֆրանսիական հեղափոխության հեղինակները հենց այս ռասային են պատկանել, իտալական ռենեսանսի հայտնի առաջնորդները ոչ թե ռոմանական ծագում են ունեցել, այլ գոթեր և լանգոթարդներ են եղել:²⁶ Գերմանական ռասիզմի մեկ այլ հիմնադիր՝ Հյուստոն Չեմբերլենը, անգամ պնդում էր, որ Հիսուս Քրիստոսն է արիական ծագում ունեցել:²⁷

Դիմելով վաղ գերմանական ռասիստների օրինակին՝ պանթուրքիստ-ազգայնամուլներն սկսեցին բարձրացնել իրենց սեփական «առասան»։ Վերջինս, ըստ Զիա Գեոք Ալիի, կոչվում էր «ուրալ-ալթայյան», որի մի մասն էլ հանդիսանում են օսմանյան թուրքերը:²⁸ Իսկ Գեոք Ալիի գաղափարակիցները պնդում էին, թե «թյուրք-թուրանյան ռասան» Արևելքի, գուցե նաև ամբողջ մարդկության համար հանդիսանում է էներգիայի աղբյուր: Անգամ՝ պանթուրքիստական գաղափարները տարածող «Թյուրքյուրդու» («Թուրքական օջախ») հանդեսում խմբագրական հոդված տպագրվեց, որում ասվում էր, թե աշխարհի բոլոր առաջնորդները սերում են երկու ազգերից՝ թուրքերից և գերմանացիներից: Այսպես՝ Թոմինսից մինչև Յենեն, Իրան, Հնդկաչին, Ղրիմ, Աֆղանստան և ավելի հեռու տիրակալները թյուրքական ծագում ունեն, իսկ Ռուսաստանի, Անգլիայի, Ավստրիայի, Իտալիայի և մի շարք այլ երկրների առաջնորդները գերմանացիներ են:²⁹ Նույն թերթում Մեմեդ Աղաևը գրում էր, որ բացառությամբ ճապոնացիների, թյուրքերը Ասիայի ամենաառաջավոր և մշակութապես զարգացած ժողովուրդն են, նաև ավելացնում էր, որ «ոչ Կովկասի հայերը և ոչ էլ Կազանի ռուսները չեն կարող հավասարվել թյուրք առևտրականներին և վարպետներին»:³⁰

Պետք է նշել, որ ոչ գերմանացի, ոչ թուրք գաղափարախոսների կողմից իրենց «առասաների» գովերգումն ինքնամապատակ չէր: Այն պարզապես հիմքեր էր մախապատրաստում հետագա հավակնությունների համար:

Պանթուրքիզմը և մացիոնալ-սոցիալիզմը առավելապես համընկնում են «սոցիալական դարվինիզմի» նկատմամբ տածած համակրելի վերաբերմունքով: Այս ուղղության ներկայացուցիչներ Հ. Մպեհները (հիմնադիր), Հ. Չեմբերլենը, Ժ. դը Լապուօդը, Օ. Կոնտը և ուրիշներ, Չարլզ Դարվինի «գոյության պայքարի» և «քնական ընտրության» կենսաբանական օրենքներն անհիմն կերպով փոխադրում էին մարդկային հասարակության

վրա: Այս պատճառով է, որ պանթուրքիզմի և մացիոնալ-սոցիալիզմի համատեքստերում «սոցիալական դարվինիզմի» գաղափարները ձեռք բերեցին մյուս ժողովուրդներին մվածելու և ոչնչացնելու բովանդակություն:

Դեռ Գորինոն պնդում էր, որ մվածումների ձգտումը համդիսանում է արիացիների բնավորության հատուկ գիծը, որի միջոցով նրանք քարձր են կանգնած մյուս մվածված ռասաներից:³¹ Հ. Չեմբերլենը ավելացնում էր, որ գերմանացիներն իրավունք ունեն աշխարհը տիրելու, քանի որ հանդիսանում են հունական և հինդո-արիական լավագույն որակների կրողները:³² Մեկ այլ ռասիստ գաղափարախոս՝ Լյուդվիգ Վոլտմանը, որի հայացքները զգալիորեն փոխառվեցին մացիստների կողմից, պնդում էր, թե քանի որ գերմանական ռասան ընտրված է աշխարհին տիրելու համար, ապա այն պետք է ֆիզիկապես գրավի իր զարգացման համար անհրաժեշտ տարածքներ: Ըստ հեղինակի, ի վերուստ գերմանական ռասային է վերապահված աշխարհը տիրելու իրավունքը:³³ Պատահական չէ, որ մացիստներն զգալիորեն համակրում էին իրենց ժամանակակից Օսվալդ Շպեմգլերին, որն առաջնորդվում էր «մարդը գիշատիչ կենդանի է» և «ուժն է ծնում իրավունք» հայտնի կարգախոսներով:³⁴ Այս իմաստով հետաքրքիր են մաև 1939թ. Հիտլերի խոսքերն ուղղված վերմախտի հրամանատարությանը. «...Ողջ կենդանի աշխարհի ճակատագիրը ես տեսնում եմ պայքարի մեջ: Որևէ մեկը չի կարող խուսափել պայքարից, եթե ուզում է ապրել... Եթե որևէ ժողովուրդ հրաժարվի պայքարից, այն աստիճանաբար կոչնչանա»:³⁵

Զարևանդը նշում է, որ պանթուրքիստները, իրար խառնելով Միենսերի և Մոնտեսպյոյի վարդապետությունները, ստեղծել էին իրենց սեփական փիլիսոփայությունը: Ըստ վերջինի՝ ազգերն ունեն իրենց ծնունդի, զարգացման և վայրէջքի շրջանները: Մի շարք եվրոպական ժողովուրդներ, օրինակ՝ անգլիացիները, ըստ նրանց, ապրել են իրենց զարգացման քարձրակետը և այժմ վայրէջք են ապրում: Հնչել է թուրանյան ժողովուրդների ժամը (մաև՝ գերմանացիների): Այսինքն, պանթուրքիստները իրենց վերապահում էին յուրահատուկ առաքելության շնորհ, որը, ըստ Զարևանդի, «հրեաների չափ հին, սլավոնների և գերմանացիների չափ նոր ամբարտաժան հավակնություն էր»:³⁶ Այսպես, Ահմեդ Հիքմեթն իր «Ալթըն օրդու» («Ոսկե գործ») ստեղծագործությունում քաթար-մոնղոլական գործին պատկերում է որպես քարձր մշակույթ, քաղոյականություն, առողջություն կրող և տարածող մի ուժ, իսկ նրա կողմից մվածված ազգերին՝ որպես թույլ և մահացող: Թաթար-մոնղոլների և մվածված ազգերի միախառնումից, ըստ հեղինակի, առաջանում է «ժամանակակից առողջ, ուժեղ և խանդավառ մարդկությունը»:³⁷

Պատահական չէ մաև, որ իթթիհատականների՝ Փարիզի կազմակերպության անդամները մեծապես ազդվել էին ֆրանսիացի փիլիսոփա Օգյուստ Կոնտի գաղափարներից: Վերջինիս հայացքներից թուրքերը յուրացրել էին հատկապես այն դրույթը, ըստ որի կենդանի բնության մեջ մղվող «գոյության պայքարի» սկզբունքները փոխադրելի են մարդկային հասարակության վրա: Ավելի ուշ դա ակնհայտ դարձավ, երբ դոկտոր Նազըմը, հայերին ոչնչացնելու իր ծրագրերը հիմնավորելիս, առաջ քաշեց այն միտքը, թե բոլոր կենդանիները և բույսերն իրար ուտում են և իրենց կյանքը երկարացնում են միմյանց բնաջնջելով:³⁸

Հատկանշական է, որ և՛ պանթուրքիզմը, և՛ մացիոնալ-սոցիալիզմը սոցիալական դարվիճիզմի ամբաժան մասն էին դարձնում ուժի, բռնության, դաժանության գովերգումը: Օրինակ՝ հայտնի է, որ պատերազմից անմիջապես առաջ թուրքական դպրոցների աշակերտներին սովորեցնում էին հետևյալ բնույթի երգեր. «Վրե՛ժ, վրե՛ժ, վրե՛ժ: Եկեք սպանե՛նք, եկեք պատառ-պատառ ամենք: Եկեք արյան ծովում լողանք: Վրե՛ժ, վրե՛ժ, վրե՛ժ»:³⁹ Նույն ոգին է պարունակում նաև Արուֆ Հիտլերի արտահայտած միտքը պատանիների դաստիարակության մասին. «Ինձ հարկավոր է երիտասարդություն, որը ծառավ է բռնության, իշխելու, որը չի վախենում ոչինչից... Ազատ և գիշատիչ գազան պետք է երևա մրա աչքերում...»:⁴⁰ Այս առումով հետաքրքիր է Վահագն Դադրյանի դիտարկումը, ըստ որի, երկու գաղափարախոսություններն էլ առանձնակի բարձր տեղ էին հատկացնում իր դաժանությանը աչքի ընկած այնպիսի պատմական անձի գովերգմանը, ինչպիսին էր Չինգիզ խանը:⁴¹

Եթե սեփական «ռասայի» գովերգումը հիմնավորում էր մյուս ազգերին մվաճելու, հպատակեցնելու, ոչնչացնելու անհրաժեշտությունը, ապա այս վերջինը հիմք պետք է ծառայեր ավելի հեռու գնացող ծրագրերի ձևակերպման համար: Պանթուրքիզմի և մացիոնալ-սոցիալիզմի ազգայնական-ռասայական հայացքների բնական շարունակություն պետք է համարել տարածապաշտական գաղափարները՝ պանթուրքականության կամ պանթուրանականության և պանգերմանականության տեսքով:

Ըստ պատմաբանների, մացիոնալ-սոցիալիզմի հայացքների համակարգում, իրոք, կարևոր տեղ է զբաղեցնում «ծավալապաշտության» գաղափարը:⁴² Ընդ որում, այս գաղափարը նոր չէր և ծնունդ էր առել դեռ XIX դարում: Արուֆ Հիտլերը պանգերմանական շարժումից անվերապահորեն սեփականացրեց առնվազն երեք սկզբունք. «մայրցամաքային Եվրոպայում գերիշխանության հաստատում, գերմաներեն խոսող բոլոր ժողովուրդների միավորում և Գերմանիայի գաղութային տարածքների ընդլայնում»:⁴³ Գերմանիայի մացիոնալ-սոցիալիստական բանվորական կուսակցության ծրագրի առաջին կետում, մասնավորապես, ասվում էր. «Մենք պահանջում ենք բոլոր գերմանացիների միավորումը մեծ Գերմանիայի մեջ...»:⁴⁴ Այս հայտարարությունը նախ և առաջ նկատի ունեն «ռասայապես մաքուր» այն 15 միլիոն գերմանախոսներին, որոնք ապրում էին Ավստրիայում, Բալթիկայի շրջանում, Չեխոսլովակիայում և Եվեյցարիայում: Երկրորդ փուլով առաջարկվում էր Երրորդ ռայխի մեջ ընդգրկել «նորոգիական ռասային» պատկանող շուրջ 25 միլիոն մարդկանց, որոնք ապրում էին Գերմանիայի հարակից երկրներում՝ Հոլանդիայում, Բելգիայում, Սլավոնիական թերակղզու երկրներում: Այսպիսով, իրականապես էր Ալֆրեդ Ռոզենբերգի երազանքը՝ «Գերմանիան Ալպերից մինչև Ուսսալա»:⁴⁵

Այս երկու համեմատաբար «անվնաս» փուլերին հետևելու էր երրորդը, որտեղ և դրսևորվելու էր ֆաշիստական ծավալապաշտության ողջ աղետաբեր բովանդակությունը: Հիմնվելով ռասայական տեսության վրա՝ Արուֆ Հիտլերն առաջ քաշեց «Լեքենստաումի» կենսական տարածքի անհրաժեշտության մասին ծայրահեղական գաղափարը: Ըստ դրա, գերմանական ռասայի զարգացման և աճի համար հարկավոր են նոր տարածքներ, որոնց մախկին բնակչությունը կամ պետք է ոչնչացվի, կամ շահագործվի՝ հանուն գերմանական ռասայի քարգավաճման: Մա հստակորեն արտահայտված է մացիզմի առաջնորդի մտքերում. «...Նացիոնալ-

սոցիալիստական շարժումը պետք է պայքարի մեր տարածքների և քնակչության միջև եղած անհամաչափությունը վերացնելու համար... Մենք պարտավոր ենք անխտնել կերպով պայքարել... այն հողերի համար, որոնց նկատմամբ իրավունք ունի գերմանական ժողովուրդը»:⁴⁶ Իսկ ինչ հողերի հաշվին պետք է վերացվեր այդ անհամաչափությունը: Հիտլերը շարունակում է. «...Մենք՝ նացիոնալ-սոցիալիստներս, սկսում ենք այն տեղից, որտեղ կանգ էինք առել 600 տարի առաջ: Մենք կանգնեցնում ենք գերմանացիների անվերջ շարժումը դեպի հարավ և արևմուտք և մեր հայացքները շրջում ենք արևելքում գտնվող հողերի վրա ...Իսկ երբ խոսում ենք այսօրվա Եվրոպայում որևէ տարածքի մասին, մենք կարող ենք նկատի ունենալ միայն Ռուսաստանը՝ իր հարևան վասալ երկրների հետ միասին»:⁴⁷

Պանթուրքիզմի ծավալապաշտության գաղափարական հիմքերի ձևավորման վրա նույնպես զգալի է գերմանական մտքի ազդեցությունը: Կան փաստեր, որ դեռ 1842 թ. թուրքական գործերի գերմանացի մարզիչ Հելմուտ Մոլտկեն, որը մեծ ավանդ ունի նաև գերմանական միլիտարիզմի ձևավորման գործում, թուրքերին համոզում էր, որ նրանց ապագան արևելքում է և ոչ թե Եվրոպայում:⁴⁸ Սակայն, որոշ հանգամանքների քերտումով, այս միտքը լայն ընդունելություն չգտավ թուրքական վերնախավի շրջանում: Փոխարենը՝ Արդուլ-Համիդի կողմից որդեգրվեց պանիսլամիզմի քաղաքականությունը, որը, ի դեպ, հարստացնելու էր պանթուրքիզմի գաղափարական զինանոցը:

Թեև պանթուրքիստ առաջնորդները, ինչպես խոստովանել է իթքի-հատական գրող Հալիդե Էդիբը, երբեք հստակ պատկերացում չեն ունեցել Թուրանի աշխարհագրական սահմանների վերաբերյալ,⁴⁹ այնուամենայնիվ նրանց արտահայտած մտքերից կարելի է որոշակի պատկերացում կազմել դրա մասին: Նախ և առաջ պանթուրքիզմը նպատակ ուներ իրագործել մոտակա խնդիրը, այն է՝ Թուրքիան թուրքացնելուց հետո միավորել օսմանյան, Հյուսիսային Պարսկաստանի և Անդրկովկասի օղուզական թուրքերին: Այնուհետև պետք է իրագործվեր թրքախոս մյուս ժողովուրդների միավորումը մեկ համաթուրքական պետության մեջ: Այս վերջին ծրագրի կապակցությամբ է, որ պանթուրքիստ գաղափարախոսները տարբերվում են իրենց մոտեցումներով: Մասնավորապես, Ռուսաստանից տեղափոխված թաթար հեղինակները Թուրանի սահմանները չափազանց տարածական էին տեսնում, որի պատճառով պատմագիտական գրականության մեջ նրանք հայտնի են պանթուրանիստներ անունով՝ հակառակ ավելի չափավոր պանթուրքիստների: Այսպես, նրանցից Ահմեդ Ադալը գտնում էր, որ թուրքերը ցրված են աշխարհի տարբեր մասերում՝ Չինաստանի ամենահեռավոր անկյուններից մինչև Ֆինլանդիա, Լեհաստան, Հունգարիա և Հյուսիսային Աֆրիկա: Ուստի Թուրանը, ըստ Ադալի, իր տարածքով ավելի մեծ էր լինելու Եվրոպայից և Ամերիկայից միասին վերցրած՝ 70-80 միլիոն քնակչությամբ: Կային նաև այնպիսիները, որոնք ապագա Թուրանի կազմում առաջարկում էին ընդգրկել Ղապոնիան, Կուրիլյան կղզիները, Թայվանը:⁵⁰ Սակայն, պետք է կարծել, որ իթքիհատականների շրջանում առավել ընդունված էր Թուրանի ավելի իրատեսական տարբերակը, որի հեղինակներից էին Գեռք Ալիը և Յուսուֆ Աքչուրան: Վերջինիս կարծիքով, թուրքական աշխարհը բաղկացած է երեք մասերից՝ Օսմանյան Թուրքիա, Իրանի հյուսիսային և հյուսիս-արևմտյան շրջաններ և երրորդը՝ Ռուսաստանի և Չինաստանի տիրապետության տակ գտնվող երկրամասեր՝ Հյու-

սխալյին Կովկաս, Անդրկովկաս, Դրիմ, Կազան, Բաշկիրիա, Ղազախստան, Թուրքեստան և մի շարք սիրիոյան տարածքներ։⁵¹ Ուրեմն, պատահական չէ, որ պատերազմից անմիջապես առաջ երիտթուրքական կառավարության շրջաբերականում ասվում էր. «Մեր ազգի և պետության իղեալը... մեզ տանում է դեպի մոսկովյան թշնամու վերացումը, որի միջոցով կայսրության մյուս մասերի հետ ձեռք կրերենք բնական սահման, որը կընդգրկի և կմիավորի մեր ռասայի բոլոր ճյուղերին»։⁵²

Հետաքրքիր է և միգրացիոն մակ՝ ճակատագրական, որ պանթուրքիստները և ճացիտները իրենց ծավալապաշտական ծրագրերի իրականացման գործընթացը որոշակիորեն առնչում էին հայերին և հրեաներին։ Իսկ վերջիններս ճակատագրի բերումով ապրում էին ոչ միայն Թուրքիայում և Գերմանիայում, այլև պանգերմանական և պանթուրքական իդեոլոգիայի իրականացման ամենամեծ խոչընդոտը հանդիսացող Ռուսաստանի տարածքում։

Հասկանալի է, որ ռուս-թուրքական սահմանի երկու կողմերում գտնվող հայերը սկսեցին դիտվել որպես «սեպ»՝ մխրճված թուրքական աշխարհի մեջ։ Դեռևս 1906թ. Բեհաեդդին Շաքիրը, որը հետագայում կենտրոնական դեր պետք է խաղար հայերի ոչնչացման գործում, Կովկասի պանիսլամական առաջնորդներին հետևյալ կոչով էր դիմում. «...Մեր թշնամին հանդիսացող և ձեզ՝ ռուսների լծից ազատելու դեմ ամենամեծ արգելքներից մեկը հայերն են։ Մշակեցեք մի կանոնավոր ծրագիր նրանց ջլատելու համար»։⁵³

Հետքքրքիր են նաև Հիտլերի մտորումները. «...Ճակատագիրն այս առումով քարի է մեր նկատմամբ։ Այն՝ Ռուսաստանը հանձնել է բոլշևիկներին, ինչը նշանակում է՝ Ռուսաստանը հանձնվել է հրեաներին։ Արևելքում գտնվող հսկա տերությունը հասունացել է կործանման համար։ Ռուսաստանում հրեական իշխանության վերջը կնշանակի նաև ռուսական պետության վերջը»։⁵⁴ 1945թ. փետրվարին Բորմանի հետ ունեցած գրույցի ժամանակ Հիտլերն ասել էր. «Գերմանիայի գլխավոր խնդիրը, իմ կյանքի նպատակը և ճացիոնալ-սոցիալիզմի գոյության իմաստը բոլշևիզմի ոչնչացումն էր»։⁵⁵

Այս առումով կարևոր ենք համարում ավելացնել, որ ազգային և ռասայական թշնամանքի կողքին ճացիտները հրեաներին ընկալում էին նաև որպես քաղաքական անհաշտ թշնամիներ։ Այսպես, Հիտլերը համոզված էր, որ հրեաների պատմական առաջնորդ Մովսեսը աշխարհի առաջին բոլշևիկն էր և իսկական մախակերպարը մեկ այլ հրեայի՝ Լենինի։⁵⁶

Հետաքրքիր ենք համարում ներկայացնել պանթուրքիստ և ճացիոնալ-սոցիալիստ մտածողների գաղափարական ևս մեկ ընդհանրություն, որն ինչ-որ չափով առնչվում է հայերի և հրեաների ճակատագրին։ Դա այսպես կոչված «կատարյալ հասարակության» վերաբերյալ նրանց հայացքներն են։

Չիա Գեռք Ալիը, վերցնելով և աղավաղելով ֆրանսիացի սոցիոլոգ Էմիլ Դյուրկհեյմի գաղափարները, կարևոր էր համարում անհատի՝ հանուն հասարակական շահերի ինքնագոհության անհրաժեշտությունը։⁵⁷ Իսկ հասարակությունը, ըստ Գեռք Ալիի, պատրաստ է ցանկացած զոհաբերություն կատարել հանուն իր իղեալների իրականացման։⁵⁸

Նման կարծիք է արտահայտում նաև Ադուլի Հիտլերը. «...Բոլոր կազմակերպությունների ամենաառաջնական էությունը կայանում է նրա-

մում, որ անհատը, հրաժարվելով իր անձնական կարծիքից և շահից, դրանք զոհաբերում է ի օգուտ ավելի մեծ խմբի»:⁵⁹

Եթե Գեոք Ալիի դեպքում հասարակությունը մույնացվում է ազգի հետ, ապա Հիտլերը շեշտը դնում է ռասայի վրա, համում որի թույլատրելի է ամեն ինչ:

Ինչ-որ իմաստով կարևոր է մասնացիոնալ-սոցիալիստների և պանթուրքիստների վերաբերմունքը պետության քաղաքական կարգին: Պարզ է, որ ամբողջատիրական քաղաքական համակարգի պայմաններում, ինչպիսիք ստեղծվեցին Թուրքիայում և Գերմանիայում, մրանց համար ավելի դյուրին էր լինելու հասնել դրված նպատակներին:

Հրեա ռաունմասիիրող Ուրիել Հեյդը, ամդրադառնալով Ջիա Գեոք Ալիի դեմոկրատական հայացքներին, ասում է, որ դժվար է դրանք ազատական անվանել: Թուրք գաղափարախոսը գտնում էր, որ դեմոկրատիան ոչ թե ժողովրդական զանգվածների, այլ ազգային ընտրյալ խավի իշխանությունն է. իսկ վերջինս պետք է ղեկավարի առաջնորդը:⁶⁰ Նույն ոգով էր պարզված մասնացիոնալ-սոցիալիզմը. «Չեն կարող լինել մեծամասնական որոշումներ, այլ միայն պատասխանատու անհատներ... վճիռները պետք է կայացվեն մեկ մարդու կողմից»:⁶¹

Եթե գերմանական ֆաշիզմի առաջնորդի դերում հանդես էր գալիս Ադոլֆ Հիտլերը, ապա պանթուրքիստներից այս հարցում հատկապես աչքի էր ընկնում Էմվեր փաշան, որը հույս ուներ դառնալ համաշխարհային թուրքական պետության ստեղծողը և իրեն համեմատում էր Նապոլեոն Բոնապարտի հետ:⁶²

Ցեղասպանության ուսումնասիրման իմաստով կարևոր վերոհիշյալ գաղափարական ընդհանրությունների կողքին՝ մացիոնալ-սոցիալիզմի և պանթուրքիզմի մեջ կարելի է առանձնացնել մի քանի ոչ էական մասնություններ: Այսպես, երկու գաղափարախոսություններում էլ կարելի է նկատել դրական վերաբերմունք այնպիսի հարցի վերաբերյալ, ինչպիսին է սոցիալական համերաշխության անհրաժեշտությունը հասարակության տարբեր խավերի միջև:⁶³ Սրան կարելի է գումարել քրիստոնացի հետազոտող Զ. Ուտքերի այն դիտարկումը, ըստ որի երկու աշխարհայացքներում էլ զգացվում է ակնհայտ արհամարհական վերաբերմունք իրենց հասարակությունների ավանդական կրոնների հանդեպ:⁶⁴

Չնայած վերջին հանգամանքին՝ այնուամենայնիվ հարկավոր է նշել, որ և՛ երիտթուրքերը, և՛ մացիստներն իրենց եղերական ծրագրերում օգտագործեցին կրոնի գործոնը: Իթքիհատականները հայերին բնաջնջելու ժամանակ բնակչության հետամնաց զանգվածներին զրգոտ էին ջիհադի կոչերով, իսկ մացիստներն օգտագործում էին հատկապես Արևելյան Եվրոպայի բնակչության շրջանում գոյություն ունեցող հակահրեական կրոնական քննամանքը:

Պանթուրքիզմի և մացիոնալ-սոցիալիզմի վերոհիշյալ ընդհանրություններից քացի, որոշակի հետաքրքրություն են ներկայացնում մասնաշխարհայացքներն առաջ քաշող և կենսագործող գաղափարախոսների և քաղաքական գործիչների անձերը: Վերջիններիս միջև եղած մասնությունների վերաբերյալ ուշագրավ դիտարկումներ է կատարել ամերիկահայ հետազոտող Ռ. Դեքմեջյանը: Համեմատելով հայկական և հրեական ցեղասպանությունների առաջացման պատճառները սոցիալական հոգեբանության տեսանկյունից՝ հեղինակը իրավացիորեն շեշտել է մացիստ և իթքի-

հատական առաջնորդների էթնիկական և աշխարհագրական մարզինությունը՝ սահմանայնության փաստը: Իրոք, երկու կուսակցությունների վերնախավերի՝ որոշիչ դերակատարություն ունեցող անձինք աշխարհագրական և ազգային համագամանքների բերումով չէին կարող «մաքուր» գերմանացի կամ «մաքուր» թուրք համարվել:

Արդիվ Հիտլերը՝ մացիստական կուսակցության առաջնորդը և մացիզմի գլխավոր գաղափարախոսը, ծնունդով Ավստրիայից էր և գերմանական քաղաքացիություն էր ստացել միայն 1932թ. (տեսակետ կա, որ նա որոշակի անհարմարություն էր զգում այս կապակցությամբ և Ավստրիայի անշլյուզով փորձում էր իրեն լրիվ գերմանացի դարձնել):⁶⁵ Կուսակցության երկրորդ մարդը և քաղաքականության մեջ Հիտլերի առաջին ուսուցիչներից մեկը՝ Ռուդոլֆ Հեսը, ծնունդով Եգիպտոսից էր և Գերմանիա էր տեղափոխվել 14 տարեկան հասակում: Նացիզմի մեկ այլ կարկառուն դեմք՝ Ալֆրեդ Ռոզենբերգը, որը հատկապես հայտնի էր իր ռասիստական գաղափարներով, ծնվել էր Էստոնիայում և Գերմանիա էր անցել Առաջին աշխարհամարտից հետո:⁶⁶ Ծագումով անգլիացի էր գերմանական ինքնագիտակցություն ունեցող Հյուստոն Չեմբերլենը, որը մացիզմի և Հիտլերի վրա մեծ ազդեցություն թողեց իր ռասիստական գաղափարներով:⁶⁷ Այս մարդկանց ցուցակին կարելի է ավելացնել նաև Ռիքրենտրոպ, Գյորիմզ, Ռոհմ, Կալտենբրուններ անունները:⁶⁸

Նույնը կարելի է ասել պանթուրքիստ առաջնորդների մասին: Ջիա Գեոք Ալփը, որին հաճախ անվանում են «պանթուրքիզմի հայր», սերում էր Դիարբեքիրի քրդական միջավայրից:⁶⁹ Հանրահայտ իրողություն էր, որ պանթուրքիստներ Յուսուֆ Աքչուրան, Իսմայիլ Գասպրինսկին, Հյուսեին-գադե Ալին, Ահմեդ Ադալը ռուսաստանցի թաթարներ էին: Դյոնմե (մահմեդականացած հրեա) էր պանթուրքիզմի մեկ այլ հայտնի գաղափարախոս՝ Թեքին Ալփը:⁷⁰

Ռ. Դեքմեջյանը նշում է, որ իթթիհատական կուսակցության քաղաքականությունն ի կատար ածողները նույնպես աչքի էին ընկնում իրենց ոչ թուրքական ծագումով: Այսպես, ներքին գործերի նախարար Թալեաթ փաշան թուղարացի գնչու էր, ռազմական նախարար Էնվերը չերքեզական և ալբանական ծագում ուներ, ֆինանսների նախարար Ջավիդ քեյը ոյունն էր, մեծ վեզիր Սայիդ Հալիմ փաշան՝ ալբանացի արքայազն: Բալկանյան ծագում ունեին հայերի ցեղասպանության գլխավոր կազմակերպիչներից Թիշկներ Նազըմը և Բեհանդդին Շաքիրը:⁷¹

Հեղինակի կարծիքով ընդհանուր անբարենպաստության պայմաններում (ինչպիսիք ստեղծվել էին Թուրքիայում և Գերմանիայում մինչև երկու աշխարհամարտերը) մոդ վերնախավը կազմող վերոհիշյալ անձինք իրենց սահմանային ինքնագիտակցության պատճառով ինքնության ցավագին ճգնաժամ են ապրում: Իրենց այս զգացումը հաղթահարելու համար նրանք որդեգրում են ծայրահեղական գաղափարախոսություն և դառնում դրա «նշարիտ հետևորդները»: Գալով իշխանության՝ այս մարդիկ իրենց հիվանդագին վիճակը տարածում են իրենց հասարակությունների վրա, ինչն էլ պատճառ է դառնում հակահայկական և հակահրեական ծայրահեղ դիտրորոշումների որդեգրման:⁷²

Այսպիսով, Թուրքիայում և Գերմանիայում երկու աշխարհամարտերից առաջ իշխանության գլուխ եկած վարչակարգերն իրենց մպատակների իրականացման համար առաջնորդվում էին որոշակի գաղափարա-

խոսություններով, որպիսիք էին պանթուրքիզմը և մացիոնալ-սոցիալիզմը: Վերջիններս, կրելով իրենց ժամանակաշրջանի հասարակական-քաղաքական քարոզարգացումների, ինչպես նաև հասարակության և անհատների հոգեբանական հիվանդագին վիճակի կնիքը, աչքի էին ընկնում իրենց ծայրահեղությամբ և մարդատյացությամբ: Հանրահայտ է, որ երկու գաղափարախոսություններին էլ հատուկ նեղ ազգայնական, ռասիստական և էքսպանսիոնիստական հայացքներն իրենց սուր ծայրով ուղղված էին հայերի և հրեաների դեմ: Վերջիններս իթթիհատականների և մացիստների կողմից սկսեցին դիտվել ոչ միայն որպես վտանգ թուրքական և գերմանական հասարակությունները միատարր դարձնելու գործում, այլև՝ որպես լուրջ խոչընդոտ պանթուրքական և պանգերմանական տարածապաշտության իրագործման ճանապարհին: Սա է պատճառը, որ հայերի և հրեաների ոչնչացումը դարձավ անառարկելի «անհրաժեշտություն»:

ԾԱՆՈԹԱԳՐՈՒԹՅՈՒՆՆԵՐ

- ¹ Ամերիկացի հոգեբան է. Մթաուրը, ուսումնասիրելով զանգվածային սպանությունների մի շարք օրինակներ, այն համոզմանն է գալիս, որ կյանքի դժվարին պայմաններում մարդիկ դիմում են իրենց ֆիզիկական և հոգեբանական ինքնապահպանմանն ուղղված գործողությունների: Կյանքի դժվարություններին նրանք պատասխանում են որոշակի մտքերով, զգացումներով և գործողություններով, որոնք չեն փոխում իրականությունը, սակայն օգնում են լուծել հոգեբանական խնդիրները: Նման գործողությունների շարքին, ըստ հեղինակի, դասվում է որևէ *գաղափարախոսության* որդեգրումը: (Տեն Տաուբ Էրվին, *The Roots of Evil. The Origins of Genocide and Other Group Violence*, New York: Cambridge University Press, 1989, p. 5.)
- ² Гасанова Э.Ю. Идеология буржуазного национализма в Турции, Баку, 1966, стр. 49.
Հեղինակն այս աշխատանքում օրյելով *հետազոտման է ենթարկում և վերհանում 20-րդ դարի սկզբին ձևավորված թուրքիզմի և պանթուրքիզմի ազգայնական և ռասիստական բնույթը*:
- ³ Mosse George L. *The Crisis of German Ideology. Intellectual Origins of the Third Reich*, New York: Howard Fertig, Inc., 1998, p. 23.
- ⁴ Mosse George L., նշված աշխ., էջ 23:
- ⁵ Նույն տեղում, էջ 27:
- ⁶ Նույն տեղում, էջ 28:
- ⁷ Այդ մասին տե՛ս Heyd Uriel. *The Foundations of Turkish Nationalism*. London: The Harvil Press Ltd, 1950, p. 159.
- ⁸ Պատահական չէ, որ Թուրքիայում սկսված «Եմի լիսան» («Նոր լեզուն») շարժումը փորձում էր վերածնել թուրքերեն լեզուն հենց այս ժողովրդի խոսակցական քարքառի հիմքի վրա:
- ⁹ Heyd Uriel, նշված աշխ., էջ 76:
- ¹⁰ Նույն տեղում, էջ 140:
- ¹¹ Ջառևանդ. Միացյալ, անկախ Թուրանիա, Երևան 1993, էջ 82:
- ¹² Kaiser Hilmar. *Imperialism, Racism, and Development Theories. The Construction of a Dominant Paradigm on Ottoman Armenians*, Ann Arbor, Mich.: Gomidas Institute, 1997, p. 18.
- ¹³ Kaiser Hilmar, *Imperialism,* In the foreword by Stephan H. Astourian, p. ix.
- ¹⁴ Նույն տեղում:

- ¹⁵ Tekin Alp. *The Turkish and Pan-Turkish Ideal*, London, 1917, pp. 37-39.
- ¹⁶ Զարևանդ, նշված աշխ., էջ 83:
- ¹⁷ Hilberg Raul. *The Destruction of the European Jews*, Chicago: Quadrangle Books, 1967, p. 60.
- ¹⁸ Նույն տեղում, էջ 66:
- ¹⁹ Հրա պատճառն այն էր, որ XX դարի սկզբին բուրժուական քաղաքային միջավայրում մոտ-մոտ տեղի էր ունենում ազգային ինքնագիտակցության արթնացում դարերի պատմություն ունեցող կրոնական ինքնագիտակցության փոխարեն. սրա պատճառով ռասիստական գաղափարները չէին կարող միանգամից լայն ընդունելություն գտնել Թուրքիայում: Մինչդեռ մացիստներն իրենց ռասիստական գաղափարները տարածում էին արդեն խորը ազգային ինքնագիտակցություն ունեցող գերմանական հասարակության մեջ:
- ²⁰ Brady Robert A. *The Spirit and Structure of German Fascism*, London: Vic. Goll. Ltd, 1937, p. 187.
- ²¹ Mosse George L., նշված աշխ., էջ 89:
- ²² Զարևանդ, նշված աշխ., էջ 56:
- ²³ Նույն տեղում, էջ 80:
- ²⁴ Նույն տեղում:
- ²⁵ Hirschmann I.A. "The Degradation of Culture", in *Nazism: An Assault on Civilization*, New York, 1934, p. 91.
- ²⁶ Mosse George L., նշված աշխ., էջ 103:
- ²⁷ Shirer William L. *The Rise and Fall of the Third Reich*, New York: Crest Book, 1960, pp. 155-156.
- ²⁸ Гасанова Э.Ю., նշված աշխ., էջ 141:
- ²⁹ Նույն տեղում, էջ 133:
- ³⁰ Նույն տեղում, էջ 137:
- ³¹ Mosse George L., նշված աշխ., էջ 90:
- ³² Shirer William L., նշված աշխ., էջ 156:
- ³³ Մանրամասն տե՛ս Вольфганг Людвиг. Политическая антропология: исследование о влиянии эволюционной теории на учение о политическом развитии народов. Москва 2000.
- ³⁴ Brady Robert A., նշված աշխ., էջեր 340-341:
- Նացիստների վրա հատկապես ազդել էր Առաջին աշխարհամարտի տարիներին Շպեյնգերի կողմից գրված «Եվրոպայի մայրամուտը» գիրքը, որտեղ առաջ էր քաշվում տարբեր մշակույթների վերելքի և անկման օրինաչափությունների գաղափարը: Նացիստները անմիջապես օգտագործեցին այս աշխատանքը՝ մյուս ռասաների և ժողովուրդների մտապառտ անկումը հիմնավորելու և իրենց՝ աշխարհը փրկելու առաքելության մասին հայտարարելու համար:
- ³⁵ Нюрнбергский процесс. Сборник материалов в 8-ми томах, Том 2, Москва, 1988, стр. 243.
- ³⁶ Զարևանդ, նշված աշխ., էջեր 53-54:
- ³⁷ Гасанова Э.Ю., նշված աշխ., էջեր 132-133:
- ³⁸ Ռիֆաթ Մելվան Զադե. Օսմանյան հեղափոխության մութ ծայրերը և իբրիհատի հայաջինջ ծրագրերը, Երևան 1990, էջ 98:
- ³⁹ United States Official Documents on the Armenian Genocide. Compiled and Introduced by Ara Sarafian, Volume II, Watertown: The Arm. Review Inc., 1994, p.105.
- ⁴⁰ Мельников Д., Черная Л. Преступник номер 1. Нацистский режим и его фюрер, Москва, 1991, стр. 23.
- ⁴¹ St'u Dadrian Vahakn N. "The Historical and Legal Interconnections Between the Armenian Genocide and the Jewish Holocaust: From Impunity to Retributive

- Justice". In *The Yale Journal of International Law*, Summer 1998, Volume 23, Number 2, pp. 543-547.
- ⁴² Филатов Г.С. "Типология фашистских режимов и особенности итальянского фашизма". В св. *Фашизм и антидемократические режимы в Европе (начало 20-х годов-1945 г.)*, Москва, 1981, стр. 11.
- ⁴³ Галкин А.А. *Германский фашизм*, Москва, 1989, стр. 273.
- ⁴⁴ Lengyel Emil. "The Brown International". In *Nazism: An Assault on Civilization*, New York, 1934, p. 179.
- ⁴⁵ Նույն տեղում:
- ⁴⁶ Hitler Adolf. *Mein Kampf*. Internet: <http://www.hitler.org/writings/Mein-Kampf/>
- ⁴⁷ Նույն տեղում:
- ⁴⁸ Ջարևանդ, նշված աշխ., էջ 87:
- ⁴⁹ Гасанова Э.Ю., նշված աշխ., էջ 119:
- ⁵⁰ Նույն տեղում, էջ 117-118:
- ⁵¹ Նույն տեղում, էջ 118:
- ⁵² Alp Tekin, նշված աշխ., էջ 50:
- ⁵³ Միմոնյան Հր.Ռ. Թուրք ազգային բուրժուազիայի գաղափարաբանությունը և քաղաքականությունը, Երևան, 1986, էջ 190:
- ⁵⁴ Hitler Adolf, նշված աշխ.:
- ⁵⁵ Безыменски Л. Особая папка "Барбароса", Москва, 1972, стр. 15.
- ⁵⁶ Кон Норман. Благославление на геноцид: миф о всемирном заговоре евреев и "Протоколах сионских мудрецов", Москва, 2000, стр. 117.
- ⁵⁷ Heyd Uriel, նշված աշխ., էջ 53:
- ⁵⁸ Նույն տեղում, էջ 58:
- ⁵⁹ Hitler Adolf, նշված աշխ.:
- ⁶⁰ Heyd Uriel, նշված աշխ., էջ 133-134:
- ⁶¹ Hitler Adolf, նշված աշխ.:
- ⁶² Միմոնյան Հր.Ռ., նշված աշխ., էջ 283-284:
- ⁶³ Shtu Heyd Uriel, նշված աշխ., էջ 69 և Толъятти П. Лекция о фашизме, Москва, 1974, стр. 16.
- ⁶⁴ Walker Christopher J. *Armenia: The Survival of a Nation* London: Croom Helm, 1980, p. 191.
- ⁶⁵ Lengyel Emil, նշված աշխ., էջ 181:
- ⁶⁶ Նույն տեղում, էջ 178:
- ⁶⁷ Shirer William L., նշված աշխ., էջ 152:
- ⁶⁸ Dekmejian R.H. "Determinants of Genocide: Armenians and Jews as Case Studies". In *The Armenian Genocide in Perspective*. Edited by Richard G. Hovannisian, New Brunswick: Transaction Books, 1986, p. 93.
- ⁶⁹ Heyd Uriel, նշված աշխ., էջ 21:
- ⁷⁰ Tekin Alp, նշված աշխ., էջ VI:
- ⁷¹ Dekmejian R.H., նշված աշխ., էջ 93:
- ⁷² Նույն տեղում, էջ 92:

Резюме

Идейные сходства пантуркизма и национал-социализма

Тигран Матосян

Общезвестно, что иттихалисты и германские фашисты, находившиеся у власти соответственно в течение Первой и Второй мировых войн и совершившие свои преступления против человечества, руководствовались определенными мировоззрениями. Это – идеологии пантуркизма и национал-социализма.

Будучи результатом в некотором смысле сходных кризисных сред, пантуркизм и национал-социализм разделяли ряд общих идей. Некоторые из них (крайний национализм, расизм, экспансионизм), совпадающие прежде всего своим геноцидным содержанием, сыграли существенную роль в обосновании "необходимости" уничтожения армян и евреев.

Например, целью крайних националистических взглядов пантуркистов и нацистов являлась всепопальная национально-расовая унификация населения подвластных им территорий. Расистские идеи, в частности, теория "социального дарвинизма", "овосновывали" необходимость захвата, покорения и физического истребления других "неполноценных" народов. Понятно, что вышеуказанные взгляды своим острым выли направлены против армян и евреев. Последние стали также рассматриваться как серьезное препятствие на пути осуществления экспансионистских планов пантурсизма и пангерманизма.

Summary

The Ideological Similarities of Pan-Turkism and National-Socialism.

Tigran Matosyan

It is well known that the intentions of the Ittihadists and the National-socialists to annihilate the Armenians and the Jews during World War I and II, were guided by certain worldviews. Those were the ideologies of Pan-Turkism and National-Socialism.

Having derived from in a sense identic crisis environments, the two ideologies shared a number of common views which played a substantial role for motivating the necessity to kill the Armenians and the Jews. In this regard, it is of a special importance to stress upon the ideas of extreme nationalism, racism and territorial expansion.

The purpose of the extreme nationalism of Ittihadists and Nazis, for example, was to brutally homogenize the territories under their rule. The racist ideas, particularly the theory of "Social Darwinism", "justified" the necessity to invade, subjugate and destroy other "inferior" peoples. It is obvious that the latter views were directed against the Armenians and Jews. These peoples were also defined as serious obstacles in the way of realization of Pan-Turanian and Pan-Germanic plans.